



- SENAT -

Broj: 01-6104/16

Sarajevo, 11. 10. 2016. godine

Z A P I S N I K
SA 1. VANREDNE SJEDNICE SENATA
ODRŽANE 11. 10. 2016. GODINE

Prisutni članovi Senata: prof. dr. Rifat Škrijelj, rektor, prof. dr. Aida Hodžić, prof. dr. Izet Rađo, prof. dr. Željko Šain, prof. dr. Maida Čohodar-Husić i prof. Zijad Mehić, prorektori, Bekir Rovčanin, student-prorektor, prof. Marina Finci, prof. mr. Mevludin Zečević, prof. dr. Samim Konjicija, prof. dr. Nedžad Korajlić, prof. dr. Ifet Mahmutović (po ovlaštenju), prof. dr. Dijana Avdić, prof. dr. Davorka Završnik, prof. dr. Salih Fočo, prof. dr. Izet Bijelonja, prof. dr. Almira Hadžović-Džuvo, prof. dr. Senad Kazić, prof. dr. Fatih Destović, prof. dr. Zlatan Sarić, prof. dr. Hajrija Sijerčić-Čolić, prof. dr. Mustafa Memić, prof. dr. Muhamed Ajanović, prof. dr. Mirza Dautbašić, prof. dr. Nihad Fejzić, prof. dr. Munib Tahirović (po ovlaštenju), prof. dr. Milenko Krešić (po ovlaštenju), dr. Rasim Muratović, dr. Adnan Kadrić, dr. Alen Kalajdzija, te predstavnici Studentskog parlamenta Univerziteta u Sarajevu (SPUS): Haris Zahiragić, predsjednik SPUS-a, Bakir Ganić, student prvog ciklusa studija Šumarskog fakulteta, Nadira Alimanović, student prvog ciklusa studija Elektrotehničkog fakulteta, Mirza Ibrahimović, student drugog ciklusa studija Fakulteta sporta i tjelesnog odgoja, Mirela Mujović, student drugog ciklusa studija Fakulteta za kriminalistiku, kriminologiju i sigurnosne studije, Malik Ejubović, student integriranog studija Medicinskog fakulteta, i Lejla Lasić, student trećeg ciklusa studija Prirodno-matematičkog fakulteta Univerziteta u Sarajevu.

Ostali prisutni: dr. sc. Suvad Konaković, generalni sekretar Univerziteta u Sarajevu.

Odsutni članovi Senata: prof. dr. Aleksandra Nikolić, prorektorica, prof. dr. Mersad Čuljević, prof. dr. Kemal Kozarić, prof. dr. Zuhdija Hasanović, prof. dr. Šaćir Filandra, prof. dr. Samir Čaušević, prof. dr. Mustafa Hrasnica, prof. dr. Naris Pojskić i dr. Senija Milišić.

Rad sjednice je počeo u 18:00 sati.

Predsjedavao je rektor prof. dr. Rifat Škrijelj, na čiji je prijedlog usvojen sljedeći

D N E V N I R E D

1. Stav Senata Univerziteta u Sarajevu povodom tragične nesreće u kojoj su život izgubile dvije studentice Odsjeka za psihologiju Filozofskog fakulteta Univerziteta u Sarajevu.

TOK SJEDNICE

Ad-1.

Prof. dr. Rifat Škrijelj upoznao je senatore da je vanredna sjednica Senata sazvana povodom tragične nesreće u kojoj su život izgubile dvije studentice Odsjeka za psihologiju Filozofskog fakulteta Univerziteta u Sarajevu, Selma Agić u 21. godini i Edita Malkoč u 20. godini.

Članovi Senata su minutom šutnje odali počast nedužnim studenticama.

Prof. dr. Rifat Škrijelj je istakao da je potrebno da Senat zauzme zajednički stav o ovoj tragičnoj nesreći i da se sa današnje sjednice medijima uputi saopćenje za javnost.

Uz izraze iskrenog saosjećanja sa porodicama, prijateljima, kolegama studentima i profesorima, naglasio je da je ovo veliki gubitak za Filozofski fakultet, Univerzitet u Sarajevu i Bosnu i Hercegovinu.

Zatim je otvorena diskusija u kojoj su učešće uzeli: prof. dr. Salih Fočo, prof. dr. Rifat Škrijelj, prof. dr. Nedžad Korajlić i Haris Zahiragić.

U skladu sa diskusijom, Senat je usaglasio tekst saopćenja za javnost, kako slijedi:

Povodom tragične nesreće u kojoj su život izgubile dvije studentice Odsjeka za psihologiju Filozofskog fakulteta Univerziteta u Sarajevu, Selma Agić u 21. godini i Edita Malkoč u 20. godini, u utorak 11. 10. 2016. godine održana je vanredna sjednica Senata Univerziteta u Sarajevu, koja je počela minutom šutnje i odavanjem počasti nedužnim studenticama.

Riječ je o velikom i tragičnom gubitku za porodice nastradalih studentica, naglasili su članovi Senata i istakli da dijele tugu sa njihovim porodicama. Uz izraze iskrenog saosjećanja sa porodicama, prijateljima, kolegama studentima i profesorima, naglašeno je da je ovo veliki gubitak za Filozofski fakultet, Univerzitet u Sarajevu i Bosnu i Hercegovinu.

Senat je pozvao studente Sarajevskog univerziteta da u eventualnim javnim istupima i okupljanjima djeluju dostojanstveno.

Senat Univerziteta u Sarajevu zahtijeva od nadležnih organa da hitnim reakcijama i konkretnim djelovanjem učine sve s ciljem poboljšanja sigurnosti građana u Sarajevu i studenata Sarajevskog univerziteta čije su članice raspoređene duž glavnih saobraćajnica od Ilidže do Bašćaršije.

Tragični gubici života su nenadoknadivi, ali smatramo da se hitno mora preventivno djelovati.

Na inicijativu Studentskog parlamenta Univerziteta u Sarajevu, Senat je zaključio da su naredna dva dana dani žalosti za Sarajevski univerzitet. U srijedu prva predavanja na svim fakultetima i akademijama Univerziteta u Sarajevu započet će minutom šutnje i odavanjem počasti tragično nastradalim studenticama Filozofskog fakulteta. Na svim članicama Univerziteta zastave će naredna dva dana biti spuštene na pola koplja.

Knjiga žalosti će biti otvorena na Filozofskom fakultetu.

Delegacije Univerziteta u Sarajevu i Filozofskog fakulteta će prisustvovati dženazama studentica Selme Agić iz Bugojna i Edite Malkoč iz Bosanske Krupe.

Također, na inicijativu prof. dr. Rifata Škrijelja, prihvaćen je prijedlog da sve članice Univerziteta koje imaju eventualne poteškoće kada je u pitanju prilaz fakultetu/akademiji/institutu, bez obzira na to da li je riječ o saobraćaju u kretanju ili mirovanju, Univerzitetu dostave zvanične dopise, kako bi Univerzitet iste objedinio i obratio se nadležnim institucijama zahtjevom za rješavanjem ove problematike.

Sjednica je završena u 18:30 sati.

Rektor

Prof. dr. Rifat Škrijelj, s. r.

Zapisničar:

Alma Voloder-Madacki, s. r.